

續  
文  
獻  
通  
考

續文獻通考卷之一百七十二

皇明進士雲間王圻纂輯

經籍考 內府書

宋

理宗淳祐十一年六月秘書省言乞辟校勘檢閱等官仍行下諸路漕司所部州縣應有印本書籍解赴冊府以補四庫之闕及故家巨族必有遺書山林名儒豈無著述許令投進照格推賞從之 時翰林學士知制誥兼侍讀真德秀乞進讀文公朱熹大學中庸章句論語孟子集註從之

遼

聖宗開泰元年八月那沙國乞賜儒書詔賜易詩書禮記春秋各一部

興宗重熙二十三年十月新建秘書監

道宗清寧元年十二月詔設學頒五經傳疏 八年十月

禁民間私刊印文字 十一月詔求軋文閣所缺經籍

命儒臣校讐 咸雍十年十月詔有司頒行史記漢書

大安二年召樞翰林學士趙孝嚴知制誥王師儒等

講五經大義 四年四月召樞密直學士耶律儼講尚

書洪範 五月命燕國王延禧寫尚書五子之歌

金

世宗二十三年八月以女直字孝經千部付提點司分賜

護衛親軍 大定二十四年九月譯經所進所譯易書  
論語孟子楊子文中子列子及新唐書上謂宰臣曰朕  
所以令譯五經者正欲令女直人知仁義道德所在耳  
命頒行之 二十六年三月命親軍完顏奴曰制猛安  
謀克皆先讀女直字經史然後承襲因曰但令稍通古  
今則不敢爲非前一親軍麗人乃能言此審其有益何  
憚不從 二十九年五月章宗已即位詔學士院自今誥詞  
並用四六

章宗明昌六年八月以溫敦伯英言命禮部令學官講經  
太和元年十月命有司購遺書宜高其價以廣搜詔  
藏書之家有珍惜不願送官者官爲騰寫畢復還之仍

量給其直之半 四年十月詔親軍三十五以下令習

孝經論語

元

太宗八年夏六月耶律楚材請立經籍所於平陽編集經史召儒士梁陟充長官以王萬慶趙著副之

世祖至元元年二月勅選儒士譯寫經書起館舍給俸以贍之 至元四年二月改經籍所爲弘文院以馬天昭知院事 五年冬十月勅從臣禿忽思等錄毛詩孟子論語 六年九月徙平陽經籍所於京師 十二年九月以王昔帖木兒爲御史大夫括江西諸郡書板及臨安秘書省乾坤寶典等書 十五年三月以許衡言遣

使至杭州等處取在官書籍板刻至京師 十六年遣使訪求書皇極數於鄱陽祝泌子孫其甥傳立持泌書來上 二十五年正月凡宋宮殿郊廟等悉毀爲寺復欲取宋高宗所書九經石刻爲浮屠臺杭州推官申屠致遠力拒止之 二十七年正月立興文署掌經籍板及江南學田糧穀 二十九年初劉因爲經學究訓詁疏釋嘆曰聖人精義殆不止此及得周程張邵朱呂之書一見曰我國謂當有是也評其學之所長曰邵至大也周至精也程至正也朱子極其大盡其精而貫之以正也

武宗至大元年中書右丞李羅帖木兒以國字釋孝經以

進帝曰此乃孔子之微言自王公達于庶民皆當由是以行其命中書省刻板模印諸王以下皆賜之

仁宗卽位遣使四方旁求經籍識以玉刻印章命近侍掌之時有進大學衍義者命詹事王約等節而釋之帝曰治天下此書足矣因命與圖像孝經列女傳並刊行賜臣下皇慶元年帝覽貞觀政要諭翰林侍講阿林鉢水兒曰此書有益於國家其譯以國語刊行俾蒙古色目人誦習之二年秋七月江浙行省以新安儒士程復心所著四書集註章圖纂來上詔擢用之復心辭不受延祐五年集賢學士曲出言陸淳所著春秋纂例辨疑微旨二書有益後學請令江西行省鈔梓以廣其

傳從之

順帝至正中著作佐郎永嘉李孝光進畫孝經圖一卷入  
秘府帝詔翰林學士承旨臨川危素採書再書經文  
皇明

太祖洪武丙午夏五月 召侍臣詹同等謂之曰三皇五  
帝之書不盡傳于世故後世鮮知其行事漢武帝購求  
遺書而六經始出唐虞三代之治始得而見武帝雄才  
大略後世罕及至表章六經開闢聖賢之學有功于後  
世又曰吾每于 宮中無事輒取孔子之言觀之如節  
用而愛人使民以時真治國之良規嘉世之師法也同  
等頓首曰 聖言良哉 上嘉 命有司訪求古今書



籍藏之秘府以資覽閱

二年己酉春二月

詔修元

史先是

上謂廷臣曰元雖亡國事當紀載元史紀成

敗示懲勸不可廢也遂以所得十三朝實錄

命中書

左丞相宣國公李善長爲監修前起居注宋濂漳州通

判王禕爲總裁徵山林遺逸之士汪克寬等十六人同

纂修開局天界寺取元經世大典諸書以資參考將成

詔先成者進閣者俟續采補

是年七月遣儒士歐

陽佑等往北平等處採訪故元一統及至正事蹟三

年春二月

詔續修元史時佑等還朝

上仍

命濂

等總裁以儒士趙勲等十四人同纂修

是年七月續

修元史成計五十有三卷紀十志五表二列傳二十六

通共二百一十二卷濂等率諸儒以進 詔刊行之授  
諸儒士張宣等官趙勲朱世濂乞還里許之 二年庚  
戌冬十二月辛酉 大明志成先是 命儒士魏俊民  
黃茂劉儼丁鳳鄭思先鄭樵六人編輯天下州郡地理  
形勢降附始末爲書凡天下行省十二府一百二十州  
一百八縣八百八十七安撫司三長官司一東至于海  
南至瓊崖西至臨洮北至北平至是成 命送秘書監  
錄梓頒行俊民等皆授以官 四年辛亥秋七月辛亥  
存心錄成 上覽之謂諸儒臣曰朕觀歷代賢君事神  
之道罔不祇肅故百靈效祉休徵類應及乎衰世之君  
罔知攸敬違天慢神非惟感召災譴且禍亂亦由是而

發朕爲是懼每臨祭必敬惟恐未至故 命卿等編此書欲示鑒戒夫水可以鑒形古可以鑒今是編所爲善惡豈以行之于今將俾子孫永爲法 六年癸丑春祖訓錄成目凡十有三曰箴戒曰持守曰嚴祭祀曰謹出入曰慎國政曰禮儀曰法律曰內令曰內官曰職制曰兵衛曰營繕曰供用 上親爲之序因謂侍臣曰朕著 祖訓錄所以垂訓子孫朕更歷世故創業艱難嘗慮子孫不知所守故爲此書日夜以思具悉知慮細詳六年始克成編後世子孫守之則永保天祿矣遂 頒賜 諸王具錄于 謹身殿東廡及 乾清宮東壁仍令 諸王書于 王宮正殿 內宮東壁以時觀省參

閱 御製序云朕觀自古國家建立法制皆在始受命之君當時法已定人已守是以恩威加于四海民用平康蓋其創業之初備嘗艱苦閩人既多歷事亦熟比之生長深宮之主未諳世故及僻處山林之士自矜已長者甚相遠矣朕幼而孤貧長值兵亂年二十四委身行伍爲人調用者三年繼而收攬英俊習練兵之方謀與群雄並驅勞心焦思慮患防微近二十載乃能剪除強敵統一海宇人之情僞亦頗知之故以所行與群臣定爲 國法革胡元姑息之政治舊習汙染之民且群雄之強盛詭詐之難服也而朕以服之民經世亂欲度兵荒務習奸猾至難齊也而朕以齊之蓋自平武昌以來

卽定擬著律令損益更改不計遍數經今十年始得成  
就頒而行之民漸知禁至於開導後人復爲 祖訓錄  
一編立爲定法大書揭于西廡朝夕觀覽以求至當首  
尾六年凡七騰臺至是方成豈非難哉蓋俗儒多是古  
非今奸吏嘗舞文弄法自非博採衆長卽與果斷則被  
其眩惑莫能有所成也今 命禮部刊印成書以傳永  
久凡我子孫欽承朕命無作聰明亂我已成之法一字  
不可改易非但不負朕垂法之意天地 祖宗亦將佑  
于無窮矣嗚呼其敬戒之哉 是年春三月昭監錄成  
先是 命禮部尚書陶凱主事張籌等採摭漢唐以來  
藩王善惡可爲勸戒者爲書會凱出奉行省編緝未

成乃復召秦王傳文原吉翰林編修王撰國子博士  
李叔允助教朱復秦府錄事蔣子杰等續修至是書成  
繕寫爲一卷太子贊善大夫宋濂爲之序以進賜  
名昭鑒錄遂頒諸王上謂原吉等曰朕于諸子嘗  
切諭之一舉動戒其輕一言笑斥其妄一飲食教之儉  
恐其不知民之饑寒也嘗使之少念饑寒恐其不知民  
之勤勞也嘗使之少服勤勞但人情易至於縱恣故  
令卿等編輯此書不時將進說知所警戒然趙伯魯之  
失簡漢淮南之招客過猶不及皆非朕之所望也七  
年夏五月朔纂修大明日曆成先是翰林學士承旨  
詹同奏言陛下起兵渡江以來征討平定之績禮樂

治道之詳雖已紀載尚未成書乞編日曆藏之金匱傳  
於後世從之即令同與侍讀學士宋訥爲總裁官修之  
自 上起兵臨濠至六年癸丑冬十二月止凡征伐次  
第禮樂沿革刑政施設群臣功過四夷朝貢之類無不  
具載至是書成共一百卷 命藏之金匱副在秘書監  
命宋濂爲序久之同等又請于 上曰日曆藏之天  
府人欲見之又不可得臣請如唐太宗貞觀政要分類  
更輯爲書以傳天下後世從之於是自敬天以至蠻夷  
分四十類凡爲五卷總四萬五千五百餘言 賜名  
皇明寶訓自後凡有 聖政史官日紀隨類增入 是  
年冬十一月孝慈錄成時 孫貴妃薨 詔廷臣議禮

太祖以父服三年父在爲母則期年低昂太甚於是  
議於子爲父母庶子爲其母皆斬衰三年嫡子庶子爲  
庶母皆齊天衰期遂著爲制 十二年己未秋八月編  
春秋本末成先是 上以春秋本諸魯史而列國之事  
錯見間出欲究其始終則難于考索乃 命東宮文學  
傅藻等纂錄分列國而類聚之附以左氏傳首周王之  
世以尊正統次魯公之年以仍舊文列國則先齊晉而  
後楚吳所以內中國而外夷狄也事之始終秩然有序  
至是成遂 賜今名 十三年庚申寰宇通衢書成先  
是 上以輿地之廣不可無書以紀之乃 命翰林儒  
臣以天下道里之類分方隅之目爲八總類爲書至是



成遂 賜今名 十六年癸亥春二月東閣大學士吳  
況等進精誠錄先是 太祖將享 太廟致齋于 武  
英殿召況等 論之曰朕閱古聖賢書其垂訓立教大  
要有三曰敬天曰忠君曰孝親臣能忠君子能孝親則  
人道立矣然其言散在經傳未易會其要領爾等其以  
聖賢所言之事依類編輯庶便觀覽至是成進之 上  
覽之悅仍 命況撰序書凡三卷敬天一卷取易十章  
書七十二章禮記三十七章孝經論語各一章忠君一  
卷取易大學中庸各一章書四十六章詩十章禮記十  
四章左傳六章國語一章論語十四章孟子十二章孝  
親一卷取易二章書三章詩九章禮記四十八章論語

十一章孝經十九章大學二章中庸三章孟子十章  
十九年丙寅春省躬錄成先是 上命翰林儒臣編輯  
歷代帝王祭祀祥異感應可爲鑒戒者爲書名存心錄  
朝夕觀覽至是 命贊善劉三吾編類漢唐以來災異  
之應于臣下者別爲一書名省躬錄至是成 詔刊行  
之 是年冬十二月 大誥三篇成 詔頒示天下初  
上以中外臣民染習元俗往往觸犯憲章欲效成湯  
大誥之制以訓化之乃取當世事之善可爲法惡可爲  
戒者著爲條目首君臣同遊至頒行大誥凡七十四條  
上親爲之序先是律成有犯者抵罪至是 上曰朕  
出是 誥昭示禍福一切官民諸色人等戶戶有此一

本若犯笞杖徒流罪名每減一等遂爲 今以故議罪  
得于本罪上有 大誥減等已而又慮條誥所載未盡  
乃續爲一編以申其意首申明五常至頒行續誥凡八  
十七條使民觀感知所勸懲自是民之作非者鮮從化  
者多故又作三篇 大誥首臣民倚法爲奸至頒行三  
誥凡四十三條是冬書成遂頒行之仍著 訓曰朕出  
斯令一曰大誥一曰續編斯上下之本臣民之至寶頒  
布天下務必戶戶有之敢有不敬與不收者非我治化  
之民遷居化下永不令歸 二十年丁卯春二月 御  
註尚書洪範成先是 命儒臣書洪範揭于 御座之  
右朝夕觀覽乃自爲註至是成 諭贊善劉三吾曰朕

觀洪範一篇帝王爲治之要道也所以叙彝倫立皇極保萬世叙四時成百穀本于天道而驗于人事箕子爲武王陳之武王猶自謙曰五帝之道我未能焉朕每爲惕然遂貶其旨爲註朝夕省覽三吾對曰陛下留心是書上明聖道下福生民則萬世開太平者也仍命三吾序其後云 是年冬十月禮儀定式成初 上諭群臣曰近者臣僚尊卑多未得宜你等宜著禮儀以爲定式於是禮部尚書李原名等取新舊增損條例爲款一十有四分條三十有七共爲一卷遂 命頒行天下時學士劉三吾董倫皆有序 二十五年壬申秋八月頒禮食所要錄于內外諸司先是 上諭廷臣曰四民

之中士最爲貴農最爲勞士之最貴者何讀聖賢之書  
明聖賢之道出爲君用坐享天祿農之最勞者何當春  
之時鷄鳴而起驅牛秉耒而耕及苗既種又須耘耨炎  
天赤日形體焦悴及至秋成輸官之外所餘能幾或水  
旱蟲蝗則舉家遑遑無所望矣今居官者不知吾民之  
艱至有刻剥而害之無人心甚矣於是 命戶部備  
錄文武大小官品歲給俸米之數以計其田畝出穀之  
數與日用多寡而爲之書至是編成 賜名曰醒貪簡  
要錄遂頒示中外俾食祿者知所以恤民

按 皇祖之訓真可爲貪者醒也後來內外官祿之數  
名在而實亡實支者十已去其七矣而三分實支且又

折絹布若位卑祿薄者將何以責其廉乎

是年冬十一月永鑑錄成是書也輯歷代宗室諸王爲惡悖逆者以類編之直叙往事 頒賜諸王又輯歷代爲臣善惡可勸懲者別爲書名曰世臣總錄以頒示中外人臣 二十六年癸酉春三月諸司職掌成先是上以諸司職有崇卑故政有大小無方冊以著成法恐後之蒞官者罔知職任政事施設之詳乃 命吏部同翰林儒臣倣六典之制自五府六部都察院以下諸司凡其設官分職之務類編爲書至是成乃 賜今名遂勅刊行頒布中外 是月又頒稽制錄于功臣初上即位以來封賞功臣皆稽前代典禮凡封爵食祿禮

儀等差悉倣唐宋之制其間因時損益皆適其宜然諸功臣多武夫不知書往往恃功驕恣踰越禮分甚或肆情廢法奢侈不度及藍玉反因籍其家見其服舍器用僭侈踰制上召翰林院稽考漢唐功臣封爵人民邑里多寡及名號虛實等第編輯爲書名曰稽制錄上親爲之序以頒功臣使之朝夕省覽以遏其奢云二十七年秋九月書傳會選成先是上以蔡氏七政左旋及陰陽下民一節註問廷臣時荅錄與權仍以朱熹新說對上曰朕自起兵迄今未嘗少置涉覽然循儒生腐談因欲訂証之於是以兵部尚書唐鐸薦遂遣行人乘傳徵致仕博士錢寧編修張美和助教靳觀至京

以試禮部右侍郎張智及學士劉三吾爲總裁開局翰林院凡蔡氏得者存之失者正之又集諸家之說足其未備及書成 賜今名 命禮部尚書任亨泰梓行之然世竟鮮行蓋永樂中刊五經四書大全書經一依蔡傳士子業以應舉此外遂不復有所考故也 二十九年丙子冬十一月稽古定制成先是 上以大臣多不遵定制特 命翰林斟酌唐宋制度遂定列墳瑩碑碣文尺房屋間架及食祿之家興敗禁例爲書至是成共爲一卷 命刊布之

成祖永樂元年秋九月古今列女傳成凡三卷先是 孝慈高皇后每聽女史讀書至列女傳謂宜加討論刪定



爲書請于 皇祖 命儒臣考證未就至是 上命儒

臣重加編次古今后妃諸侯大夫士庶人妻之事分爲

三卷成遂 命頒之六官行之天下 二年甲申夏

文華寶鑑錄成是書也輯自古以來嘉言善行有益于

太子者 三年春正月十五日 仁孝皇后內訓成

是書七十八本首德性次修身次慎言次謹行次勤勵

次警戒次節儉次崇聖訓次謹賢範次事父母次事君

次事舅姑次奉祭祀次毋儀次睦親次慈幼次逮下凡

二十篇 十一年丁亥十一月 永樂大典成 先是

令解縉於天下百家凡天文地志陰陽醫卜僧道技藝

爲一書 賜名文獻大成已而 上覽之謂其多有未

備者乃復 命太子少師姚廣孝刑部侍郎劉季篈及  
解縉督其事學士王景王逵祭酒胡儼洗馬楊溥儒士  
陳濟爲總裁侍講鄒輯等二十人副之簡中外官及四  
方宿儒有文學者充纂修繕寫幾三千人凡四歷寒暑  
而成計二萬二千九百卷一萬一千一百本更 賜名  
未樂大典 上親制序文此書後竟以卷帙太繁不及  
刊布至 嘉靖中復加繕寫凡四五閱載工費亦稱浩  
大云 十三年乙丑秋九月輯五經四書及性理大全  
等書成 上親爲之序先是 上謂侍臣曰五經四書  
皆聖賢精義妙道其傳註之外諸儒議論有發明餘蘊  
者爾等采其切當之言增附其下其周程張朱諸君子

性理之言如大極通書西銘正蒙之類皆六經之羽翼  
然各自爲書未有統會爾等亦編類成一書務極精備  
庶幾以垂後世云 夏五月開館于東華門以胡廣等  
董其事 命朝臣及在外教官有文學者同纂修光祿  
寺給饌至是成 上謂吏部臣曰此書學者之根本而  
聖賢精義悉具矣自書成朕旦夕宮中披閱不倦所益  
多矣古人有志於學苦難得書籍今之學者得此書而  
不勉力是自棄也爾禮部其以朕意曉諭天下學者令  
盡心講明無徒視爲虛文至十五年丁酉春三月遂頒  
布兩京六部國子監及天下郡縣學 十四年丙申冬  
十二月輯歷代名臣奏議成先是 命楊士奇等祿歷

代奏疏有俾治道者輯爲書至是成以進 上諭士奇  
曰致治之道千古一律君能納善臣能盡忠天下未有  
不治朕觀是書見當時人君之量人臣之直爲君者以  
前日之事爲今事爲臣者以古人之心爲已心天下國  
家之福也遂 命刊賜 皇太子 太孫 十五年丁  
酉周易直指成先是 仁宗在東宮卜筮專用揲著而  
斷以周易凡世俗卜法皆不用因 命楊士奇集六十  
四卦三百八十四爻朱氏本義要旨爲一編既進遂  
賜今名已而士奇進曰周易固爲卜筮作然文王周孔  
彖象十翼之辭凡修齊治平爲君爲臣之道悉具請編  
輯以進用備覽閱從之踰年以進 仁宗賜名周易大

義是時徐好古作尚書直指金匱攷作春秋直指皆以  
進 仁宗俱 命各置一本于齋閣便殿寢室以備覽  
十七年庚午三月爲善陰陽書成是書一百八十本  
採輯百六十五人今存者百五十六人 十八年辛丑  
夏五月孝順事實書成是書一百五十本歷求史傳孝  
行可錄者得二百七人今存者一百三十四人

宣宗宣德三年春三月 御製帝訓成自君德至于藥餌  
凡二十五類共爲一卷 七年壬子夏六月 御製官  
箴書成自都督府至於儒學箴凡三十五篇共爲一卷  
英宗正統十三年夏五月五倫書成先是 宣宗嘗親採  
輯經傳百家嘉言善行之有關於君臣父子夫婦兄弟

朋友之道者類分爲六十二卷 命曰五倫書至是

上追承 皇考之志 命錢梓以廣其傳 上親撰序

天順五年辛巳夏四月 大明一統志成凡九十卷

先是 成祖遣使徧採天下郡邑圖籍特 命儒臣大

加修纂未及成書 上又 命吏部尚書兼翰林院學

士李賢太常寺少卿兼翰林院學士彭時翰林院學士

呂原等重修凡三閱寒暑至是成賢等撰表以進 上

命名 大明一統志親爲序之遂刊布天下

按葉文莊云 景泰中初修寰宇通志採事實凡創一

準視穆方輿勝覽是下竊以爲祝氏此書趙宋偏安之物

未可爲法况此書初爲四六設今欲成 感代混一之

書要須有資軍國有益勸戒如地圖道里戶口之類皆未可闕必如 永樂中志書凡例而充益之可也主議者其或未之思乎近嘗以請于翰林友人則曰當時亦有以戶口爲言者泰和陳先生執議不從曰此非造黃冊子何用戶口耶後聞此書竟以屢題狀元之名可厭而改爲之矣夫狀元及第不問賢否固已不泯顧其人何如耳此非科舉錄何爲而詳列進士之名又何爲而一書狀元豈惟無識其亦類乎愚也已

大學士李賢慮前代聖賢之君事蹟浩漫難于徧覽特錄堯舜以下二十三君每君摘取所行最善者數事集爲一帙名之曰鑑古錄又於每段之後畧爲解說數句

遂以奏上且曰臣觀陛下所行之事已有超越古者若又以此二十三君之善無而有之則功德之隆直前同加堯舜而光祖宗矣

王氏鑒曰前代修史左史記言右史記動宮中有起居注如晉董狐齊南史皆以是守職司馬遷班固皆世史官欲通知典故親見在廷君臣言動而書之後世讀之如親見當時之事我朝翰林皆史官立班雖近螭頭亦遠在殿下成化以來人君不復與臣下接朝事亦無可記凡修史則取諸司前後奏牘分爲吏戶禮兵刑工爲六館事繁者爲二館分派諸人以年月編次雜合成之副總裁刪削之內閣大臣總裁潤色其三品



以上乃得立傳亦多紀出身官階遠擢而已間有褒貶亦未必盡公後世將焉所取信乎

世宗嘉靖四年 御書十二言以賜輔臣曰法祖安民奉

天行道福善禍淫 五年 獻皇帝實錄成凡五十卷

寶訓十卷進費宏等官秩有差 是年冬頒賜 獻

皇恩紀合春堂詩并 帝所製詩序于群臣 六年正

月張璠上大禮要畧 上命付史館纂述 七年 御

製十六字箴以 賜輔臣曰卓爾之見一貫之唯學聖

君子勗哉力爲 丙戌冬 詔纂修大禮全書先是

上欲推尊 二親 廷議紛紛不決至是禮成遂 詔

纂修時詹事府詹事兼翰林院學士桂萼上疏云臣初

趙從兄弟尚存謂臣曰 皇上嗣統遵 祖訓也茲者  
遠涉初 詔以閭里立嗣禮處之此執政之心非大愚  
即大奸也比入京而進士張璫主事霍輅已言之臣按  
張璫奏疏二篇或問一卷簡暢詳明已無餘蘊特以楊  
廷和從中主之大小臣工噤不敢語已而道路之議論  
京邸之誼譁璫獨當之則事之始末莫有詳於璫者今  
大禮全書奉 命纂修臣竊以爲此禮之成皆折衷於  
皇上顧編纂雖藉於數人而體裁宜歸於一手如楊  
一清者特令相與參訂之於事之本末臣見張璫逐一  
所錄要畧皆紀實也仍乞下之史館復取各衙門事關  
大禮卷宗而採擇之就璫逐日所錄者因而致詳之以

成一家之言庶一代君臣行事之跡覈而不誣皇  
上折衷取舍之功詳而不畧矣書成次第錄冊以進  
世宗覽之謂輔臣張璠等曰朕思斯禮不但行於今日  
實係乎萬世法欲使明人倫正紀綱所關匪輕若以大  
禮全書目之似爲未善遂更名明倫大典云按大禮要  
畧上下二冊張璠所撰也六年正月璠以是書進有  
旨這所奏要畧送付史館以備纂述已而璠及桂萼  
又增刊大禮要畧以進上曰仍送史館七年戊子  
夏五月明倫大典成先是上御文華殿召大學士費  
宏楊一清石瑄賈誼等諭之曰大禮書未備特命  
卿等纂修傳之萬世卿等其欽承之及是書成上悅

遂命刊布天下時宏等率諸臣進賀表云 聖人在  
天子之位作禮樂以化民惟 皇建民極之秉本綱常  
以爲治蓋道莫大乎崇本而政必始於正名自有天地  
以來父父子子凡爲日月所照尊尊親親况夫歷數在  
躬之君非大夫以下之比大人世及而不易君子會通  
而能行自夏歷殷歷周統緒正而彛倫明由漢至唐至  
宋議論多而道德隱魏詔起于偏安之際樸議鼓于聚  
訟之餘事拂經常言非定論究其流弊之滋蔓皆緣析  
禮之弗精人可違天不可違理既順勢亦自順不圖今  
日之盛獲覩大道爲公茲蓋伏遇 皇帝陛下晉明出  
地離照當天商湯肇修人紀以至于有萬邦虞舜察于

人倫而爲法于天下操三重以撫世議禮制度考文秉  
一德以宅華敬天勤民法 祖當 六龍時乘之運正  
五星聚奎之期恭極乾符光臨璿極遵 太祖兄終弟  
及之訓承 憲廟子燕孫貽之謀天與之人歸之四方  
丕應而僊志遠有望近無厭萬姓蹈舞以謳歌念 嚴  
慈垂罔極之恩 詔臣下議尊集之典慨群臣之迷復  
執爲後之迷文一傳衆咻牢不可破以非爲是紛然同  
辭顧天理之未亡幸忠言之屢入人紀將隨而復振  
廟謨獨斷而告成 詔定於三頌直洗末世之漏習禮  
求夫一定聿崇 昭代之嘉猷本諸身徵諸庶民而皆  
從考於前俟諸後世而無憾紹 武宗十有六年之紀

而兄弟之義盡復 獻帝十有五年之嗣而父子之恩  
兒人倫於是乎大明民德翕然其歸厚 都宮有奕  
太廟與 世廟相輝祀事孔明大禮與大樂並作既而  
聖心中啓 睿思遠圖以人道之大經雖明于今工  
而人心之迷惑恐誤夫後來爰修大禮之全書昭示明  
倫之大典 綸音兩降編摩用言禮之臣 御札時頒  
筆削求至當之論蓋事必稽其實而文必稱其情日繫  
月月繫年綱有條而不紊史載經經載道理無微而不  
宣五典惇叙出于天本天道以明人事衆言淆亂折諸  
聖執聖經以破群疑約文敷義而旨趣自明據事直書  
而邪正莫掩凡係綱常之要領隨加論斷以判評一展

卷而數百人之得失昭然不逾年而千百載之典章具  
矣仰籍 神謨之廣運蕪承 睿藻以發揮有血氣莫  
不尊親懷仁義以利君父昔唐禮創于房玄齡之輩祇  
名曰開元暨宋禮成于劉溫叟之儔亦惟曰開寶率沿  
綿最之舊未免亥亥之訛豈若揭大典以叙大倫用以  
伸正氣而明正道屬致中致和之應彰大順大化之符  
天地山川發祥諸福畢至歲月日時無易百穀用成臣  
等謬以職業之關濫叨纂述之任輿自丁亥春王之月  
訖于戊子夏正之辰才華有愧於三長意見粗勤於一  
得仰徹 重瞳之覽俯垂率土之觀伏願 皇上弘包  
含徧覆之仁取其善不錄其過擴藏垢匿瑕之量舍其

舊俾圖其新老老長長而恤孤推絜矩以平天下親親  
仁民而愛物廣至德以綏萬邦日重華月重輪並耀前  
星之慶嶽重輝海重潤丕承上帝之休 十三年甲午  
夏六月 命燬儒士安都所撰十九史節定凡百七十  
卷共成七帙仍着法司從重擬罪都河南開封府大康  
縣人頗涉諸史因憤中間書法失正輒加改釐至是書  
成以進因上表云於史記則進聖賢忠厚之名退奸雄  
幸逆之列於西漢則立隱逸節義之類抑黨惡篡弒之  
傳於三國志則帝蜀漢黜曹瞞正統猶存於兩晉則置  
元昭爲弒逆天理復明南北朝篡君得國惟存本號隋  
楊堅挾主有位遂削尊稱分註武后之奸抑本傳錄於



國史之末詳記朱溫之逆其尊號致夫殺君之譏削藝  
祖以國稱名分爲之復正附遼金於宋史正朔因之有  
歸秦入 上怒批 旨云歷代史書已有正定安都這  
所掣拾妄議禮部叅看了來說時尚書夏言駁奏云退  
處士而進奸雄崇勢利而羞貧賤此固之譏遷已有成  
誅若乃紀信附高帝之紀四皓列王貢之首蓋事跡雖  
寡名行可稱則一傳蕪收包括已盡並能傳之不朽垂  
美無窮豈必標名立傳然後播其遺烈也諱楊雄爲危  
行言遜稱荀彧爲殺身成仁此班范之曲筆然綱目係  
椎于莽而不與其卒彧之自殺特書於曹操至自濡須  
之下則褒貶已明彊死已王不聞有夏之統昭烈猶存

顯陵以昭 皇上顯揚至意從之遂 命禮部精膳司  
主事徐廷祿往 顯陵奉承天大志尊嚴寢室仍給兩  
京文武百官及南北直隸府州縣并十三布政司各一  
部以宣 二聖功德岳以是推禮部侍郎隆慶元年以  
考察去 乙丑春二月十三日 宗藩條例成詳 宗  
封

穆宗隆慶元年四月重寫 永樂大典 六年大學士張  
居正進 帝鑑圖說 是年 上以冲年初即位居正等  
欲廣 上問學乃自三代漢唐迄於宋摘其行事可法  
戒者若干條各繪以像仍爲注說以進 上嘉納之批  
荅云覽奏具見忠愛懇至朕方法古圖治深用嘉納圖

冊留覽還宣付史館以昭我君臣交修之義按圖說  
大綱凡二一曰聖哲芳規其目凡八十一曰任賢圖治  
曰諫鼓謗木曰孝德升聞曰揭器求言曰下車泣罪曰  
戒酒防微曰解網施仁曰桑林禱雨曰德戒祥桑曰蕤  
賚良弼曰澤及枯骨曰丹書受戒曰感諫勤政曰入關  
約法曰任用三傑曰過魯祀聖曰却千里馬曰止輦受  
言曰納諫賜金曰不用利口曰露臺惜財曰遣使謝相  
曰屈尊勞相曰蒞輪徵賢曰明辯詐書曰褒獎守令曰  
詔儒講經曰葺檻旌直曰賓禮故人曰拒闕賜布曰夜  
分講經曰賞強項令曰臨雍拜老曰愛惜郎官曰君臣  
魚水曰焚裘示儉曰留納戒奢曰弘文開館曰上書粘

壁曰納冠賜帛曰縱鵲毀巢曰敬賢懷鵠曰覽圖崇杖  
曰主明臣直曰縱囚歸獄曰望陵毀觀曰撤殿營居曰  
面斥佞臣曰剪鬚和藥曰遇物教儲曰還歸方士曰焚  
錦銷金曰委任賢相曰兄弟友愛曰召試賢令曰聽諫  
散鳥曰啗梨惜福曰燒藜聯句曰不愛貢獻曰遣使賑  
恤曰延英忘倦曰淮蔡成功曰論字知諫曰屏書政要  
曰焚香讀疏曰敬受母教曰解裘賜將曰碎七寶器曰  
受言書屏曰戒主衣翠曰竟日觀書曰引衣容直曰改  
容聽講曰受無逸圖曰不喜珠飾曰納諫遣女曰天章  
召見曰夜止堯羊曰後苑觀麥曰軫念流民曰燭送詞  
臣蓋善爲陽爲吉飲用九九從陽數也一曰狂遇履軻

其目凡三十六曰遊敗失位曰脯林酒池曰華張射天  
曰姐已害正曰入駿巡遊曰戲舉烽火曰遣使求仙曰  
坑儒焚書曰大營宮室曰女巫出入曰五侯擅權曰市  
果微行曰寵昵飛燕曰嬖倖戮賢曰十侍亂政曰西邸  
留曹曰列肆後宮曰芳林營建曰羊車遊宴曰笑祖儉  
德曰金蓮播地曰捨身佛寺曰縱酒妄殺曰華林縱逸  
曰玉樹新聲曰剪綵為花曰遊幸江都曰斜封除官曰  
觀燈市里曰寵幸番將曰歛財侈費曰便殿擊毬曰寵  
信伶人曰上清道會曰應奉花石曰任用六賊蓋惡為  
陰為齒故用六六從陰數也 二年六月鄭陽撫臣孫  
應鑒言及今纂修實錄宜 勅六部將嘉靖四十五年

間見行事例詳加採緝送史館編彙以續 大明會典  
之後禮部覆言會典已經續修至嘉靖二十八年以後  
事例彙輯成書以垂一代之典 上是之 五年四月  
刑科王之垣輯承天大誌基命紀中事實三卷曰敬天  
曰法祖曰正心曰修德曰講學曰勤政曰任大臣曰選  
庶職曰求賢才曰嘉直言曰辨忠邪曰明賞罰曰崇節  
儉曰戒玩好曰審幾微曰恤民隱曰重民命曰弭災異  
曰嚴武備總一十九目七十一條題基命紀錄疏土報  
留覽 九月廣東東莞人陳建私輯 皇明資治通紀  
具載 國初至正德間事梓行四方內多傳聞失真者  
工科李貴和言我 朝 列聖實錄皆經儒臣奏請纂

修藏在秘府建以草莽之臣越職僭擬已犯自用自專之罪矣况時更二百年地隔萬餘里乃欲以一人聞見臧否時賢焚惑衆聽若不早加禁絕恐將來訛以傳訛爲國是之累非淺淺也疏下禮部覆議請焚燬原板仍論史館毋得採用從之

今上萬曆二十年七月行人高攀龍奏四川僉事張世則奏朱程所著大學專務尚博乞行斥正奉旨程朱正學崇尚已久豈可輕議近來士論玄虛何俾實用高攀龍所言有關世教張世則勒襲浮言來奏姑不究禮部知道二十三年八月禮部覆兵科給事中王士昌奏春秋一書聖人傳心要典匪左氏無以志其顛末非胡

氏無以聞其幽微明經之士蓋兩重之顧事實雖兼左氏而意義則專宗胡氏者何也以尊王賤霸內夏外夷抑揚褒貶之權寓于片言隻字之內彼有獨契其深者在也我國家表章六經頒布學官而春秋以胡傳爲宗如易之朱傳書之蔡註有不得人異其學而師異其教奈何邇來業經之士穿鑿彌深而主司之命題支離尤甚忠公入彀奚啻多岐剪毛埋頭真同射覆蓋聖人心法大爲背馳而胡氏之意并失之矣士昌憤激于衷反復辯論欲行詞局諸臣詳校勘擬請 旨頒行遵守誠于經學有裨及翰林屢議亦痛懲穿鑿之弊欲議傑傳舍題目而于近世之隱僻杜撰者嚴加裁革良爲有



見相應依其所擬今後士子習學與主司命題以聖經  
爲主而以胡傳爲宗博古之士熟讀左傳以闡發題旨  
期不失 聖代表章至意如科臣原議如禮樂之類必  
左傳明有知禮樂之稱汲引朋黨之類必胡傳明有君  
子小人之辨其他傳序凡例牽合附會之說如翰林所  
稱指摘影響配合或二股四股分搭者一切槩行刪革  
以後士子作文敢有別生意見吊詭鉤奇者不得命中  
而鄉會科場考試及提學官出題有不遵奉者仍聽本  
部該科參究惟是試題不可預擬恐士子得以揣摩查  
得四書易經俱有蒙引等書係本 朝名儒撰述闡發  
意義羽翼聖經而補傳註之所未備後學誦法有所依

歸獨春秋向無定主故人競執經而于習學爲尤難仍  
乞專 勅翰林院詞局諸臣參酌義例不妨廣搜精採  
會習諸家之大成務求合于聖經賢傳之意著爲春秋  
正義刊刻成書頒布中外令窮經之士知所程守則各  
家之說不無日息矣奉 旨春秋命題依議行著書頒  
布罷 二十四年十一月湖廣蘄州生員李建元奏遵  
奉明例訪書進獻本章綱目五十卷 上命留覽

續文獻通考卷之一百七十三

皇明進士雲間王圻纂輯

經籍考 易書詩

易

易傳 王巖叟著巖叟大名清平人年十八舉明經進士  
爲文理省詞該 後張志道于房王洙皆有易傳

易說十四卷 秦和蕭肅著宰相馬廷鸞江萬里好其書  
上之又李樸昭信人累官國子博士嘗著易說行於世  
楊炳晉江人淳熙中進士所著有易說又倪元王度羅  
適趙汝談趙彥肅胡說鄭思皆有易說

易解十卷 張臣著臣武進人嘉祐中舉明經少從胡瑗

遊薦爲國子監直講王安石新法行臣即引去時論高  
之有易解十卷及文集四十卷 又林希逸亦有易解  
補註周易 宋咸著咸建陽人爲廣西曹司歐陽修喜其  
文嘗補註周易及楊子法言行世又饒子儀臨川人九  
歲能詩力學不倦崇寧中以明經行修錫命于朝所著  
有周易論語解及詩文甚多又王日禮劉牧徐雄曹粹  
中龔原吳淵皆有易解董楷有程朱易解  
易義十卷 黃晞著晞建安人少通經聚書數千卷學者  
多從之遊自號聲隅子石介在太學以禮聘之晞匿不  
出韓琦薦爲太學助教

周易發微 吳沆著沆崇仁人幼孤事母孝政和間獻書

于朝不用隱環溪又著論語發微及老人解又徐琦有  
周易發微

易筌 阮逸著逸建陽人仕爲鎮東軍節度推官

周易通神五卷 吳秘著秘字君謨歐寧人景佑初中甲

科嘗嘆春秋三傳同異欲作集解因乞閭郡除守同安

周易解義三十卷 蘇伯材著伯材字延構晉江人紹聖

中進士知朝陽縣

李椿年易傳十卷 椿年浮梁人政和進士又文集十卷

易問五卷 易傳十卷 林震著震字時勇興化人崇寧

進士攻蔡京蔡卞訥秘書監

易傳說 游酢著酢字定夫建陽人與兄醇俱以文行稱

爲程門高第以進士官御史歷知漢陽軍和舒濠三州  
易解義十卷 張弼著弼字舜元仙遊人紹聖初大臣薦  
賜號葆光 又同安丘葵亦有易解義

易傳內外篇 李綱著綱邵武人少有大志政和初舉進  
士歷仕徽欽高官至宰相以身用舍爲社稷生民安危  
易義 翁樛著樛祥符人登建炎進士少從龜山先生遊  
獨得其與所著又有王泉講解性理窟

周易通義 繫辭要旨 俱洪興祖著興祖丹陽人登正  
和上舍第累官直敷文閣好古博學至老未嘗一日去  
書

易三傳編 陳天麟著天麟宣城人天資豪爽慷慨重義

紹興中進士累官至翰林修撰

易學實錄 王鉉字德池州人爲中書舍人兼侍講未仕時旁郡從肄業者常數百人

易老通言 易原雍錄 程大昌著大昌休寧人十歲能屬文紹興中進士篤學於古今事靡不考究

易學啓蒙通釋 易餘間記 外翼四卷 俱胡方平著

方平婺源人初饒州德興沈貴寶董夢程受朱文公之易於黃幹而方平嘗從貴寶夢程學得文公源委之正周易本義 附錄纂 胡一桂著一桂方平子穎悟好讀書受父易景定中年十八由鄉薦試禮部不第退而講學

周易習解 學禹錫著禹錫即成人舉進士試身言書判  
第一以尚書工部侍郎致仕博學多記

周易管見 邵困著困蘭谿人淳熙間登第教授潭州時  
朱文公爲守薦其學行

周易啓蔽 楊簡著簡慈溪人師事陸九淵自爲一家學  
乾道中進士授秘書郎累遷寶謨閣學士學者稱爲慈  
湖先生

周易約說八卷 周易或問四卷 周易續問八卷

周易指要四卷 學易補過六卷 趙善湘著善湘字清

臣濮安懿王五世孫慶元初進士累官資政殿大學士

周易會粹 楊明復著明復臨海人操履純正博通經籍



號浦城先生

易傳發微

陳德一著德一字長明舜申子知宜州而卒

周易精蘊

繆主一著主一永嘉人爲大學生嘗上書攻

賈似道宋亡隱居教授 朱綬亦有周易精蘊

周易見一

胡仲雲著仲雲高安人初通經史百家入太

學實祐初登進士第歷官樞密院編修

易玩辭

項安世著安世江陵人淳熙初進士爲秘書正

字累官至直龍圖閣書多行世

易學舉隅

易祹著祹寧鄉人淳熙中釋褐爲翰林學士

累官禮部尚書退閒三十年號山齋居士著書自選

周易旨要

代淵著淵導江人性簡潔事親孝年四十舉

進士甲科還家教授累薦不起自號虛一子

周易本傳三十篇 李舜臣著舜臣隆州井研人八歲善屬文乾道初舉進士學邃於易

學易編五卷 李心傳著心傳字微之舜臣之子因薦賜進士出身爲著作佐郎兼四川制置使參議官端平元年召爲工部侍郎有史才通故實然其志常重川蜀而

易書乾坤別辯 史通著通青州人少與兄珣以文字知名歷官通州尉盤石今有古循吏風

易玄神契 葉子儀著

大衍詳說 蔡西山著

周易訓解 蔡淵著淵字伯靜元定子號節齋嘗謂周子無極而太極之說得于易有太極之一語易者變易無體即無極之義識者謂其發先儒所未發

易集註五卷 義太初著

易繫集傳 柴中行著中行字與之餘千人紹熙元年進士

易鑑 陳舜申著舜申字宋謨連江人以學問淑後進以行義率鄉里以節操立朝廷以義方教子孫

經進易解十卷 劉翔著翔字圖南浦城人爲福建教授謂教官實風化所孫要當上不負天子次不負州郡下不負弟子洪邁爲之序

讀易記 仙游陳沂著沂光祖之子篤志紫陽之學

易學蠡測 宋潛室曰故宋廸功郎慶元府學教授魏新之著又見先儒列卦畫爲方圓圖乃以已意成三隅圖曲盡妙理門人王德先演而傳之

易傳解義辨異 袁樞著樞字機仲建安人以實謨閣待制致仕立朝啓沃忠諫克盡乃職

易總說 朱震著震字子發邵武人

易襟說 魯子良著子良金谿人又著學庸語孟解等書黃宗傳易傳 宗傳字景孟寧德人淳熙中進士

易疑問答 趙善佐著善佐字佐卿以宋宗室居邵武試有司連中投將樂丞嘗受學於張敬夫

龜律易傳 何克著克字太和邵武人政和進士從程氏  
學而肯於夫檢則意不伸時稱龜律先生

易傳參同契 李都著都光澤人名借參同發明易道

易春秋二十卷 郭緒著緒字夫錫浦城人留意邵雍象  
數之學兼取楊雄所著列山易以章會紀元推之久而  
成書名易春秋按圖布卦計二十萬言釐爲二十卷總  
之以圖隆興紀元以其書上方議推恩而卒

易三傳編 宣城陳天麟著

劉彌邵易藁 彌邵字壽翁莆田人夙之子學者稱習靜  
先生

易傳宗 豐城陳煥著

續文獻通考 卷之三百七十三

大易發微 練來著來字彥本建安人以著書自娛

易象占 周敬孫著敬孫臨海人宋末爲太學生學於金

華王栢得性理之旨

周易輯解十卷 丘富國著富國字行可建安人嘗受學

於朱子門人淳祐中登第宋亡遂不仕

易傳庸言 太極三圖 饒魯著魯餘千人從黃幹遊號

製孝門人私謚文元

學易踐徑 田疇著疇華亭人嘉定間常設講席於國學

六館之士皆北面焉

易管見 衛謙著謙華亭人嘗立義庄贍貧義塾教學者

讀易管見 沙縣蕭山著

周易說義 周易體裁 都潔著

易學說約五篇 建安丘國著所以發明朱氏宗旨

易學理窟 艾謙著

周易講義 熊禾著禾建陽人宋武州司戶參軍入元不

仕學問至老不倦

易索書 廬陵張汝明著

易圖說詳解 鄭儀孫著連安人號龜屏咸淳中應賢良

舉明年少帝北行退而著書

衍極圖說 易學旨要 史彌大著彌大字方叔鄞人登

鄭僑榜進士官禮部侍郎

周易義說 光澤李呂著呂深於易嘗言易在識時權之

以義苟非真知義之所在而善言變反害於易矣

玩易手抄 毛友誠著

朱子繫辭發揮 大傳發揮 易通發揮 易啓蒙發揮

何基著基金華人其自序言始讀大傳說卦諸篇見其淵微浩博皆無津涯而說者類皆汗漫不精渙散無統及得朱子本義之書沉潛反復恍然有會於心洙泗微旨乃可得而尋繹然其詞尚簡嚴未能盡達因徧用文集語錄諸書凡講辨及此者隨章條附於本義之後首尾畢備毫析縷解疑義固不永釋

讀易記 函古圖書 太極衍義 研幾圖 金華王栢

寄栢學于何基得朱子正傳



周易外傳 方逢辰著淳安人舉進士第一累官國史修撰嘗力詆鄭清之賈似道之非遂不復出授徒講學所著述甚多學者稱蛟峯先生

易大傳義 鮑恂著恂崇德人嘗受易于臨川吳澄學者稱西溪先生我 洪武初嘗 召至京除文華殿大學士轉導 東宮固辭而歸

易象鈎隱 劉牧著

易集註 陳允士著

讀易老人解說 李光泰著

易經集說 衛富益集富益崇德人

易象數解 李直方著

易象圖說 李直方著

易釋二十卷 易繫詞釋三卷

舒津著 津字通叟 奉化人

登景定三年進士

易集義 蔣宗簡著

周易窺餘 鄭剛中著 剛中 金華人 爲四川宣撫副使 秦

檜怒其所行專擅 謫桂陽軍 居住檜死後 其子謚忠懿

周易釋傳 錢時著 時 淳安人 書經目輟成 編任爲史館

檢閱 輪當面奏敷陳 剴切後致仕 學者稱爲黼堂先生

周易大義 周易卦贊 時少章著

易說舉要 朱質著

易經講義 張文選著

易演義 象數發揮 史公珽著 公珽字播叟 鄞人 堂試

公珽方弱冠屢占前列自號遊庵居士

易林 胡謙著謙字牧之奉化人與弟誼師事朱熹傳陸

象山學著易說易林若干卷

易象數新說 陳樵著

太極易通說 田君右著

易通發明 卦贊 重正卦氣 鄭仇著

易衍 淳安何夢桂著夢桂咸淳中進士歷監察御史宋

亡不仕

周易啓蒙 龍游余端禮著端禮少讀書過目即成誦累

官左丞相封鄂國公

大易天人合旨 姚綬著

讀文獻前集卷之三十三

續通志卷之二十三  
九  
讀易目錄 高燁著

易經指圖十卷 觀頤悟言 王宗道著宗道字文貫奉  
化人嘉定元年進士爲江西提刑幹官

易叢說十卷 象數雜說 金趙秉文著秉文字周臣滏  
陽人幼穎悟讀書若夙習登大定二十五年進士累官  
禮部尚書翰林學士兼益政殿說書

易集說 金張特立著特立字文舉東明人泰和中進士  
易外傳 元郝經著經字伯常陵川人

讀易私言 許衡著衡字平仲號魯齋河內人嘗從姚樞  
于蘇門得程朱書慨然以道爲己任官至中書左丞追  
封魏國公謚文正從祀孔子廟庭

易圖說二十卷 倪淵著淵烏程人從學於敖繼公動必以禮爲湖學教授

易說 陳尚德著尚德寧德人自號懼齋元時隱居不仕其學以五經四書爲本學者稱石塘先生 王結易州定興人累官翰林學士中書左丞非聖賢之書不讀非仁義之言不談所著亦有易說 袁楠慶元人號清容居士所著亦有易說 又福清黃舜祖亦有易說

周易述解 潘迪著迪元城人博學能文歷官國子司業集賢學士所著又有六經發明格物類編傳於世

易象鉤玄數十卷 惠希孟著希孟江陰人學博守嚴

周易本義通釋 胡炳文著炳文婺源人元初爲信州書

院山長篤志諸子之學諸子百家醫卜等書靡不推究  
易雜說 吳師道著師道蘭谿人幼學于金履祥延祐間  
授國子博士以禮部郎中致仕

大易法象通贊 周易記玩 鄭滁孫著滁孫處州人宋  
景定間進士知樂清縣至元朱以薦召見累官集賢學  
士致仕

六十西卦圖說 邵整著整字宋舉福州人清之子  
周易通義 黃超然著超然黃巖人師事王栢精於易學  
周易集傳十八卷 龍仁夫著仁夫永新人博究經史以  
道自任仕元爲湖廣儒學提舉其文詞尤奇逸流麗學  
者稱爲麟洲先生

易傳集疏 南昌熊凱著凱精義理之學以明經開塾

十餘年時稱進溪先生

易經解 資州黃澤著澤登進士第生有異質以明經學  
道爲志大德中歷兩書院山長嘗宗程朱作易經解

易精解 李學遜著學遜邵武人綱九世孫博學洽聞善  
天文尤邃於易

易解說 何逢原著逢原宋時嘗知嘉州有善政與孫松  
壽宋誨何耕稱四循吏

易學源流 安福彭復精於易範嘗本朱邵說著爲此書  
易義祔式 宜黃徐潛生著

類易象二卷 何中著中字太虛撫之樂安人宋末舉進

士家有藏書萬卷手自校讐其學弘深該博程鉅夫元明善吳澄等皆推服之爲龍興郡學師

大易演義 無錫州同知上饒祝堯著

程朱易傳 本義折衷 鄱陽吳存著

周易備忘十卷 藁城張延著

易經著錄 吳澄著澄崇仁人自幼知用力聖賢之學著述甚多其易經著錄序略曰昔在皇義始畫八卦因而重之爲六十四當是時易有圖而無書也後聖因之作連山作歸藏作周易雖一本諸伏羲之圖而其取用蓋各不同焉三易既亡其二而周易猶存世儒誦習知有周易而已伏羲之圖鮮或傳授而淪落於方伎家鮮其



說具見於夫子之繫辭說卦而讀者莫之察也至宋邵  
子始得而發揮之於是人乃知有伏羲之易而學易者  
不斷自文王周公始也今於易之一經首揭此圖冠於  
經端以爲伏羲之易而後以三易繼之蓋欲學者知易  
之本原不至流逐末而昧其所自云爾

周易集說四十卷 纂圖二卷 古占法一卷 林屋山  
人俞氏述其爲說大抵祖程邵而宗朱古今諸儒所言  
之善有弗遺也而已意亦以附見焉其是非取舍不合  
於聖人者寡矣

補周易集議 吳夢炎敘人至元中爲紫陽書院山長補  
周易集議典括蒼教定鄉飲禮儀

易編 陳櫟著櫟休寧人三歲口授孝經論語輒成誦五  
歲涉獵經史十五遂致力聖賢學貫穿古今著述甚富  
大易會要 俞琰字玉吾吳縣人宋亡隱居著書以義理  
之學淑諸人於書無不讀尤精於易述諸家易說百餘  
卷名曰大易會要

周易直解 胡特著

大易說 印峽王申子號秋山元季隱居岳州之慈利  
著大易輯說

周易本義 安福劉霖著霖元季不仕

重正卦氣 吾衍者衍字子行仁和大父爲宋太學諸  
生因家錢塘衍尚不仕之節求室妻巷教小學常數十

人通聲音律呂工篆書

周易通義十卷 黃鎮成著鎮成字元鎮邵武人甫冠歷  
葉榮利事慨然以聖賢踐履之學自勵

易問辯三十卷 廬陵歐陽貞著歷考諸家之異同質正  
先儒之論議初名易疑後改曰問辯歐陽圭齋爲序

周易直旨 永樂十五年仁宗在東宮時命楊士奇纂書  
成以進賜名周易大義

周易考次 大易按辭 已上俱建文時臨海方希古著

周易叅疑 山西布政王蘇頤陽著蘇州知府况鍾刻

讀易一卷 李文達著

讀易私記四卷 胡端敏著

易經叅議 國初新喻梁州著

易經選註 侍讀學士王達著達無錫人

大易傳義 文華殿大學士鮑恂著恂德州人

易經發明 何英著英鄱陽人

易傳撮要 劉髦著髦永新人永樂戊子鄉試易魁

易學會通 教諭胡璉著璉高安人

易學淵源 給事中胡易著易寧都人

易問大旨 叅政汪必東著必東崇陽人

易經折衷訓蒙 太僕寺少卿劉穗著穗鄱縣人

古易訓測 尚書湛若水著若水增城人

味易餘吟 禮部郎中鄭閑著閑嘉定人

誠齋易傳 楊萬里著

周易叅議 梁演著

周易解義 姜寶著

周易解微三卷 徐畸著畸字南夫蘭谿人

書

尚書小傳 邵武士官悋著悋政和進士

書辨學數十卷 王居正揚州人少嗜學遊太學司業王

齊見其文曰王佐才也其學根據六經楊時器之

尚書演義 錢時著出處見周易釋傳下

尚書解註 進士陳文蔚著理宗以其有益治道詔補述

功郎

禹貢論 程大昌著大昌休寧人十歲能屬文紹興中進士以龍圖閣直學士致仕所著又有攷古編

書說 建陽熊禾著

書傳通 豐城陳煥著

尚書解 王十朋著十朋樂清人紹興中廷對第一以龍

圖閣學士致仕卒謚忠文奉化舒津舒渙亦有尚書解  
尚書講義二十二卷 史浩著浩字長卿慶元人孝宗時  
爲相

書說 趙汝談著汝談餘杭人淳熙中進士佐汝愚定大  
策官至刑部尚書 王宗道亦有書說

書註 輔廣著廣字漢卿崇德人朱子高弟學者稱傳貽

先生

書解 黃頴著 頴字幾先 龍溪人以直忤蔡京貶卒 又唐仲友著 仲友金華人 登進士第 後中宏詞科 仕至江西提刑 博物洽聞 講析經史

書傳 書卓躍 陳大猶著 猶恐是猷

尚書說 馬之純著 繆主一亦有書說

書經箋註名粗通 趙嗣誠著

無逸解 張拭著 拭字敬夫 號南軒 魏公浚之子也 與朱

文公呂成公爲友 謚曰宣

禹貢辨 洪範解 陳埴著

書家說 李守鏞著

續文獻通考 卷之二百七十三

著解五十卷 福安陳經著經慶元中進士 書成癖於  
益後學爲多

尚書補遺 周敬孫著出處見前

尚書釋傳 方逢原著出處見前周易外傳下

尚書約義 應鑄著鑄字給人登博學宏詞科仕知開州

書義解 晉江韓淳著

尚書暢言 楊明復著出處見前

洪範考訂 胡希是著希是八歲患通讀經爲文有西漢

風元革命家居著述爲人方嚴有守一介不苟取予

書經余簡 林之奇著之奇侯官人累官宗正丞後以辭

祥家居呂祖謙嘗師之



渾灝發旨 陳舜申著

書經洪範皇極內外篇 蔡沈師事朱熹熹晚欲註書遂以屬沈又元定獨得洪範之數隱居九峰未及論著曰成吾書者沈也沈反覆數十年遂成書傳及此書

書說標題 熊禾著出處見前

書籍義 徐存著

尚書大義 時少章著

皇極說 何基著

禹貢辨 戴蒙著

尚書具事 丘仲孚著

禹貢洪範手抄 陳剛著

尚書類數二十卷 木大寺書大字嘉南其先泰州人

靖康中調懷寧簿隱居象山

尚書釋疑十卷 胡誼著誼字正之謙弟也號觀省侯翁

讀書手抄 黃宜著

定正式成錯簡 牟楷著

尚書直音 徐善述著

禹貢解 李方子著方子光澤人朱熹高弟天資近道自

號果齋嘉定中進士第三累官國子錄通判辰州

禹貢攷 龍溪余壽著

洪範統論一卷 趙善湘著

洪範九圖九說 陳伯達著伯達紹興中進士學深經術

洪範會元 漳浦蔡元鼎著

書說三十餘卷 李相祖編相祖光澤人從朱熹學用心

精切

書集傳 柴中行著

尚書要略 金哀宗正大間萬壽節同知集賢院呂造進

尚書節文 元明善字復初大名清河人早以詩文自豪

後以太子文學事仁宗於東宮陞翰林直學士譯尚書

節文以進每奏一篇必稱善遂爲學士卒謚文敏封清

河公

尚書表註 金履祥著履祥字吉甫號仁山金華處士謚

文安

讀書傳叢說六經 許謙著謙字益之號白雲金華處士

書傳纂疏 陳棣著出處見前

書辯疑 韓性著性紹興人宋相琦八世孫天資警敏讀

書日記萬言及長博綜群籍爲文自成一家隱居不仕

所著又有禮記說及詩音釋行世門人私謚莊節先生

書傳補十卷 何中著出處見前

書傳補遺 寧德陳尚德著

尚書通考十卷 邵武黃鎮成著

書經講義五百餘篇 韓信同著信同寧德人別號古遺

受學於陳尚德隱居不仕

書經序錄 吳澂著

書經通音 何遜原著

書經體要 徐國著

洪範傳 陳燕著

書傳 于房著

書直解 同安丘葵著 又晉江呂椿著

尚書釋疑 胡詎

洪範定正 會稽胡一中著 一中深有得於王何吳三先

生洪範說據其所長而訂正之 分經別傳以傳附經然

後義理明白脉絡貫通神禹叙疇之義燦然如指諸掌

書要略 吾衍著 出處見重正卦氣下

尚書著 翰林學士承旨謚文敏封魏國公湖州趙孟頫

著

尚書標說六卷 浦江吳萊著 本朝宋濂評其文無愧

兩司馬劉向王褒諸人萊字立夫號深裏山道人

書經管見 吉水王充耘著

書經一覽 吉水周聞孫著又有五經纂要學詩舟楫河

圖洛書序說

御註尚書洪範 洪武二十年春 太祖命儒臣講洪範

自爲註

書傳會選 洪武二十七年 太祖以蔡氏七政左旋等

說未當命禮部侍郎張智及學士劉三吾等開局纂修

御書洪範篇及序 宣德九年示楊士奇等

尚書直旨 永樂時徐好古作

武王戒書 方希古著

書傳補 右贊善陳濟著

書傳補正輯註 學士朱升著升休寧人

洪範考疑 僉都御史吳世忠著世忠金谿人

書經會通 陳謨著謨泰和人

書經節傳 國子司業張業著安福人

書經纂義 梁演著

洪範纂要 楊文恪著

禹貢詳節 夏寅著華亭人

詩

詩經箋註名粗通 趙嗣誠著

毛詩正紀外義 宋咸著

詩解二十卷 吳駿著駿字希遠浦城人元豐中登第官至饒州通判

詩傳 王巖叟著

家塾讀詩記 呂祖謙著

詩說 黃度著度新昌人隆興進士除監察御史寧宗時累官煥章閣學士所著又有周禮說 曹粹中亦有詩說

讀詩臆說十卷 王宗道著

詩辨學數十卷 王居正著



周詩義二十卷 茅知微著知微仙遊人景佑中龐籍以

德行薦補州學教授

詩學發微 楊明復著

詩行義諸書 湯建著建樂清人於天文地理古今制度

考覈精詳

嚴氏詩輯 嚴粲輯粲字明卿邵武人精毛氏詩

毛詩說 許奕著奕簡川人慶元五年擢進士第一授東

川節度判官論諫甚多帝稱骨鯁天資孝友通編詩書

詩膚說 高斯得著斯得稼之子紹定初進士稼死王事

於汚無意仕進李心傳領史事辟爲史館檢閱後累遷

翰林學士

朱子詩傳附錄纂 胡一桂著出處見前

詩集解傳三十卷 高願著願字德人舉進士

詩經講義 福安陳經著經慶元進士

詩經講解 舒璘著璘四明人軋道中爲徽州教授徽詩  
禮久不頌習璘作詩禮講解家傳人誦

東宮詩解 劉倫著倫建陽人與弟炳皆朱子高弟仕至  
工部尚書謚文簡

毛詩傳二十卷 譚世選著世選茶陵人初以尚書獻策  
補官凡五薦漕臺三爲舉首所著又有史評羽翼漢儒  
議論

詩講議 余干柴中行著

詩攷 詩地理攷 詩辨說 詩真大鳥獸譜 鄧

應麟著王栢亦有詩考

岷隱續讀詩記 永嘉戴溪著

白石詩傳詩訓詁 錢文子著

詩註 趙汝談著出處見前

詩解 陳鵬飛著

誦詩訓五卷 李心傳著

詩學管見 浙錢時著

毛詩章句疏義 魯世達著

詩講義 喬執中著

詩說 曹粹中著

朱公詩解 戴亨著

毛詩解 瑞安陳傳良著傳良瑞安人乾道中進士爲中書舍人引裾諫光宗朝重華宮官至寶謨閣待制學者稱止齋先生

詩記 方道殷著

毛詩說畧 余端禮著出處見前

詩大義 詩贅說 時少章著

詩經訓註 安成劉應登著

詩傳微 豐城陳煥著

詩義解 韓惇著

詩直解 呂椿著

詩傳註疏 謝枋得著枋得弋陽人平生無書不讀爲文

章高邁奇絕汪洋演迤自成一宗學者師尊之

詩名物抄十卷 詩集傳 元金華處士許謙著

朱子詩傳疏義二十卷 朱公遷著公遷字克升鄱陽人

其父梧崗翁同郡準軒吳中行得聞朱子門人黃幹之學於廣信饒魯往準軒學焉於是大肆力於學經傳子史百家之書禮樂律曆制度名物之數無不貫通而悉究之初以遺逸徵至京師授翰林直學士力辭不許章七上乃出爲金華郡學正勤於著述剖析經傳極其精緻

詩國風小雅說 福清黃舜祖著

讀文獻通考

卷之二十二

詩傳通釋 劉瑾著 瑾安福人博通經史隱不仕

詩禠說 吳師道著

讀詩傳 沙縣蕭山著

詩集三卷 王都中著都中福寧人積翁子歷仕四十餘

年清白之操得於家傳泊郡之績雖古循吏無以尚之

詩經序錄 吳徵著

詩記 休寧陳櫟著

詩經講說 顏達著達江陵人寒賁力學行義自持不苟

合於人

詩口義 同安丘葵著

詩經發揮 吉水楊升發著詩經於南窓集

詩義指南十七卷 分軍雷元廷著光霽家居授徒學士

程鉅夫詹天遊皆其徒也至元間遣使徵拜未幾卒學者稱龍光先生

風雅遺音 南昌熊凱著

詩經解頤 豐城朱善著字修萬洪武中文淵閣大學士選註風雅源流 楊文恪著

詩經指要 風雅逸編 楊用修著

詩經演義 梁寅著

詩經詳釋 何英著英鄱陽人

詩經演疏 陳謨著謨泰和人

詩傳通證 贊善陳濟著濟武進人

續文獻通考

詩經輯說 潘文定著

春秋

春秋傳二十卷 耿秉著秉江陰人仕爲兵部郎中終煥

章閣待制

春秋傳 王巖叟著

春秋新義 家勤國著勤國眉山人與蘇軾兄弟爲同門  
友王安石久廢春秋學勤國憤之著爲此書

春秋機括 陸佃著

春秋門例通解 王鉉著出見前

左傳國語要畧十卷 考異三卷 沈虛中著虛中廣德  
人舉進士歷官吏部尚書



春秋經解三十卷 辨疑一卷 語孟說各一卷 江琦

著琦字全叔建陽人宣和中進士

春秋世論 江休復著休復陳留人爲人外簡曠內行甚  
飭其文章醇雅尤長於詩善隸書與人交久而彌篤所  
著又有文集若干卷

標註國語類編 張九成著

春秋論 趙瞻盤屋人舉進士調孟州司戶參軍累遷同  
知樞密院事所著有春秋論

左氏說 李孟傳著孟傳上虞人累官大府丞終直寶謨  
閣所著又有雜志九十餘卷

春秋正宗 趙敦臨著出處見前

春秋解 王十朋著 楊簡鄒補之俱有

春秋三傳通議 鄧縣趙善湘著出處見前

春秋集解 左氏綱目 左氏國語類編 呂祖謙著

春秋解三卷 蘇權著權字元中淳熙進士學於張南軒

春秋解 陳謙著謙永嘉人乾道中進士累官寶謨閣待

制所著又有永寧綱諸書

春秋博議十卷 莆田鄭可學子上著

春秋三傳抄 陳宓著宓字思復號復齋興化陳俊卿之

子官至龍圖閣少從其兄同遊朱文公門

春秋雜說 狄斐著斐長沙人舉進士甲科累官太常少

卿篤志好爲古文所著又有文集十二卷

春秋講義 黃裳著 棠創州晉城人幼能屬文乾道中進士累遷禮部尚書兼侍讀端純孝友每講隨事納忠

春秋通解 熊禾著

春秋本旨 何涉著 涉南充人讀書晝夜刻苦自六經百家及山經地志醫卜之術無不精究舉進士長厚有操行未嘗談人過惡

春秋通義 王剛中著 剛中樂平人紹興間進士孝宗朝累遷同知樞密院卒謚恭簡

春秋解 陳震著 震字省仲晉江人淳熙進士 王日休亦有春秋解

春秋通解十五卷 泉州余克濟著 王鉉亦有春秋解

春秋元經 福州邵整著

息齊春秋集著 鄞縣高閔註

春秋集註 奉化舒津著

春秋講義 陸震發著

春秋通訓 五經例宗 張大亨著

左傳約說百篇 黃仲炎著

春秋接實 要論 紀要 指南 翁夢得著

春秋傳解 陳琰著

春秋三傳要義 蔣宗簡著

左氏紀傳 沈括著括湖州人嘉祐中進士累官龍圖閣

學士後以光祿少卿分司開封府

春秋講義 戴溪著溪永嘉人

春秋大旨 余端蒙著 錢時亦著

春秋傳顯微例目 程迥著

春秋提徑 徐文鳳著

春秋指迷 鄭時中著

春秋說 洪咨夔著

春秋傳 許翰著 又有林希逸著

春秋發微 趙彥和著

春秋傳紀 王綽著

春秋解 呂本中著

春秋論 徐墓生著

賣文使司

春秋三傳評 永新龍森著

春秋會要 順昌廖德明著

春秋王伯世紀 李珙著珙字孟開連江人官國子祭酒

春秋集註 春秋集傳 張文憲洽所著

春秋左氏事類 漳州黃頴著

左氏國紀二十卷 徐得之著

春秋地例增釋紀年雜編 龍溪余嘉著

春秋三傳會同 龍溪陳思謙著思謙學問該博教授後

學嘗魁鄉薦朱文公喜之因語門人李唐咨以女妻焉

春秋習說 趙涯著涯嘉定中進士

春秋尊經辨 春秋本末說 范士衡著士衡豐城人謂

春秋說彙行皆傳註害之故作師事朱熹意蓋以老友

春秋集傳 豐城陳友沅著

春秋考十三卷 李心傳著

三傳會考 慶元王應麟著

春秋集釋十卷 方道殷著道殷浙江人

左傳紀事編年 馮之純著

春秋註 輔廣著

春秋類例 周敬孫著

春秋類事始末 章冲著

春秋指掌圖 沈炎著

讀春秋紀 讀國語 王栢著

續文獻通考 卷之三百七十三

春秋經解指要 薛季宣著

春秋精義 呂椿著

春秋外傳五十卷 三傳序論 列國序論一卷

按邠經序有曰河南荀宗道嘗受學於予時以書狀官從行於是五年之間講肄不輟甲子春宗道請傳春秋之學且志其說而無書以爲據乃以故所記憶者爲春秋外傳蓋自三傳之外而爲是不敢自同於三傳也以春秋正經多不同乃爲論次作章句音義八卷求聖人之意者必探其本以爲綱乃作制作本原三十一篇十卷春秋一書義在於事必比事而觀其義可見乃爲比類條目一百三十篇十二卷三傳之說不同故聖經之



旨不一乃爲三傳折衷俾經之大義定于一凡五十卷  
卷首又著三傳序論列國序論一卷其間訛缺謬戾者  
甚衆俟變通之日取諸書以考實之庶幾有成而見素  
患難之志云

春秋備忘四十卷 敬鉉著鉉易州人初爲中都儒學提  
舉博通經史文章鳴世學者稱爲太寧先生

春秋譌議若干卷 王原傑著原傑吳江人學邃行潔至  
正間領薦值兵興不復仕教授於鄉

春秋集解 元胡炳文著出處見前

禘傳類編 五論辯 宋景濂曰故東吳先生儀究心於  
春秋謂聖人之經一而諸家異傳大道榛塞乃著此三

書辭義嚴密多先儒所未言者

春秋通旨 安福劉聞著

春秋舉要若干卷 吉水陳琢著

春秋辯疑 安福彭絲著

春秋論斷 林泉生著泉生字清源永福人爲翰林直學

士知制誥以氣節自負其學尤邃於春秋

春秋傳論十卷 郭正子著

春秋發微一卷 臧夢解著

春秋纂言 吳澄著

春秋述解 潘迪著

春秋解 黃澤著

春秋纂疏 汪克寬著克寬祁門人少穎敏力學隱居教授隣郡學者皆宗之

春秋左氏遺意二十卷 李昶著昶東平須城人世祖召見知無不言累官翰林侍讀學士吏部尚書務持大體不事苛細

春秋節傳 魯淵著淵淳安人勵志爲學舉進士爲華亭丞所著又有策府樞要 餘于饒魯亦有節傳

春秋傳附辯 吳師道著師道金華人幼學於金履祥延祐間授國博士所著又有戰國策校註行世

春秋經傳考 戴良著良金華人少從黃潛遊英偉秀發以文章擅名所著又有和陶詩九靈山房文集

春秋按斷 魯貞著貞開化人元末隱居不仕

春秋本義三十卷 三傳辨疑二十卷 或問十卷 程

端學著端學郵人通春秋至治中進士仕爲國子助教

動有師法

春秋經旨 黃清志著

春秋義例 李應龍著應龍字玉林光澤人郁之後至元

中應爲白鹿洞書院山長及漳州路教授俱不仕

春秋會通 李應著應安福人元末以鄉魁登進士

春秋通義 同安丘葵著

春秋諸國統記 齊履謙著按吳徵序曰魏郡齊履謙伯

恒甫之說春秋則不承陋襲故皆苦思深究而自得內

魯尊周之外徑書其君之卒十八國乃分彙諸國之  
記凡二十已所持見各傳於經綴數旁通務令書法  
事關而不錄其義視李則明決多其詞視呂則簡澤勝  
予之所可靡或不同間有不同亦求之太過非苟言也

春秋說 戴翔著 衣桶亦有春秋說

春秋管見 田君右著

春秋義宗一百五十卷 高元之著元之字端叔鄆人集  
春秋說三百餘家號義宗悉本經旨

春秋旨要十二卷 王惟賢著惟賢字思齊鄆人嗜學博  
覽與弟惟義皆以儒名

春秋大義 左氏君子議 春秋透天關 楊惟禎著

春秋比事 劉希賢著

三傳歸一義三十卷 張樞著 樞浙之東陽人

補春秋繁露 章樵著

春秋中的 張復著

春秋建正辯 牟楷著

春秋世變圖二卷 春秋傳授譜一卷 浦江吳深著出

處見前

春秋類傳 邛峽王申子著

春秋編類十二卷 宋景濂曰宣城梅致和著辯其世變

要其指歸蓋得之於研精者惜與耕稿十卷俱燬于兵

春秋本末 洪武十二年 太祖命傅藻等纂錄首周次

齊魯諸國後吳楚附以左氏傳列國始終秩然有序

春秋集解 春秋大義 馮翼翁著翼翁永新舉進士試

蝌蚪賦有名官至撫州守

春秋直旨 春秋要旨 俱新淦金幼孜著由進士至武

英殿大學士謚文靖

左氏補註 春秋屬詞 春秋集傳 左氏師說 俱洪

武初休寧趙汭著

春秋辯疑 夏尚著慈谿人

春秋志疑十八卷 胡端敏著

春秋考義 梁寅著

春秋提要 知廉州府饒秉鑑著秉鑑廣昌人

左傳擷英 何喬新著

春秋正傳 湛若水著

春秋考 胡傳辨疑 翰林侍講以寧著以寧古田人

春秋左傳註解辨訣 春秋國華 嚴訥著訥常熟人

續文獻通考卷之一百七十三終